



www.giuv-scuol.ch
info@giuv-scuol.ch

Protocol da la radunanza generala da la Gjuventüna da Scuol ils 30 schner 2026

- Lö:** "Jägerstübli" pro Rino, ils 30 schner 2026, a las 20:00
- Preschaints:** Aita, Alessandro, Anina, Anna Lea, Geremia, Lara, Lino, Marina, Max, Mevina, Mia, Mic, Rino, Sarina
- S-chüsats:** Alissia, Aurora, Bianca, Braida, Fabian, Fabio, Fadrina, Jon, Lea, Marchet, Matias, Medea, Orlando, Samira

Tractandas

1. Tscherna da scrutinadur/as
2. Approvaziun dal protocol da l'on 2025 (chi'd es gnü tramiss ouravant)
3. Rapport da la presidenta
4. Rapport dal chaschier
5. Rapport dals revisurs da quints
6. Tscherna da la suprastanza
7. Fixaziun da la contribuziun annuala
8. Admissiun da novs commembers
9. Logo
10. Program da l'on 2026 e fixaziun da datas
11. Varia

1. Bainvgnü e tscherna da scrutinadur / scrutinadura

La presidenta driva la radunanza generala a las 20:05 e bivgnainta a tuot la cumpagnia. Sco scrutinadur as metta Alessandro a disposiziun e vain tschernü unanimamaing.



2. Approvaziun dal protocol da l'on 2025

Il protocol da l'on 2025 es gnü tramiss anticipadamaing insembel cul invid per la radunanza cul giavüs ch'el gnia let tras avant quist inscunter. Il protocol da la radunanza generala 2025 vain approvà unanimamaing.

3. Rapport da la presidenta

La presidenta preschainta il rapport a man d'üna preschantaziun da Powerpoint cun diversas fotografias da las occurenzas chi han gnü lö durant l'on 2025. Las occurenzas d'eiran: vender vin chod pro l'Hom Strom, giovar a chejels a S-chanf, di da skis sülla Motta Naluns, visitia in scoula, festa dals 7 Nanins, Electric Love Festival, fö dals prüms avuost, viadi a Mallorca, duos jadas lavurs da cumün e far da Niculaus a Scuol e Tschlin.

A la fin dal rapport s'ingrazcha la presidenta pro Rino per seis grond ingaschamaint pro tuot las occurenzas, pro Geremia per seis sustegn durant il viadi a Mallorca e pro Mic per si'organisaziun administrativa e scumparta a tuots trais ün regalin. I dà ün grond applaus.

4. Rapport dal chaschier

Il chaschier disch, cha la giuventüna haja cumanzà l'on cun ün saldo da CHF 13'403.30 e finì cun ün saldo da CHF 14044.04. El continuescha, chi haja uschea dat ün guadagn da CHF 640.74 durant l'on 2025 e cha las plü grondas entradas haja dat per las lavurs pro'l cumün e pro la vendita da vin chod a l'Hom Strom.

Il chaschier agiundscha, cha duos commembers hajan amo da pajar la contribuziun annuala da l'on 2025 e ch'üna commembra haja amo da pajar il viadi a Mallorca.

5. Rapport dals revisurs da quints

Lino legia avant il rapport dals revisurs da quints. In seis rapport disch el, cha'l rendaquint saja gnü controllà e cha tuot saja stat documentà e fat inandret.

Ils revisurs da quint propuonan dad ingrazchar al chaschier e da dar discharg. Quist protocol vain approvà unanimamaing.



6. Tscherna da la suprastanza

Sarina dà giò sia piazza sco scheffa d'organisaziun. Uossa es la dumonda chi chi surpigless quista posiziun libra aint la suprastanza. Mia as metta a disposiziun e vain tschernüda cun 13 vuschs ed üna abstinaziun.

Implü dà Matias giò sia rolla sco revisur da quint. Orlando nun es preschaint, ma el es pront da surtour la segunda piazza sco revisur da quints insembel cun Lino.

Davo las tschernas guarda la suprastanza per l'on 2026 oura sco seguint:

Presidenta:	Mevina Conrad
Actuar/vicepresident:	Mic Armon Conrad
Chaschier:	Rino Regensburger
Scheffa da material/assessura:	Anina Sieber
Scheffa d'organisaziun:	Mia Portmann

Revisurs da quints sun Lino Stecher ed Orlando Bass.

7. Fixaziun da la contribuziun annuala

La presidenta fa la proposta da laschar la contribuziun annuala pro CH 30. La proposta vain approvada unanimamaing.

8. Admissiun da nouvs commembers

La presidenta manaja, cha d'ürant l'on 2025 sajan gnüts pro quatter nouvs commembers e cha set sajan sortits. Entrats sun: Fabian, Fabio, Jon e Lara. Sortits sun: Annina, Braida, Cinzia, Fadri, Lena, Marchet ed Ursina.

9. Logo

D'ürant la radunanza generala 2025 es gnüda la proposta da crear ün nouv logo per la giuventüna da Scuol. Max ha d'ürant l'on creà e manà ün nouv logo. Uossa vain vuschà giò a) scha'l logo proponü da Max dvainta il nouv logo, b) schi resta pro'l vegl logo o c) schi dess dar ün nouv logo, ma cun ün oter design. L'opziun c) guadogna cun 8 vuschs, uschea chi darà üna nouva tscherna da logo d'ürant la prosma radunanza generala.



10. Program da l'on 2026 e fixaziun da datas

Per differentas occurenzas vegnan fixadas datas. Per tschellas occurenzas seguan questiunaris d'urant l'on. Il viadi d'urant l'avuost 2025 ha plaschü a blers commembers ed i vain l'idea chi's pudess far eir quist on ün viadi, ma ün plü bunmarchà. L'idea es dad ir a Prag d'urant Ascensiun.

Il program da l'on guarda oura sco següaint:

7 favrer (sonda)	<u>Vender vin chod a l'Hom Strom</u> Tanter las 19:00 e las 21:00 venda la giuventüna vin chod e punsch a Gurlaina. I voul ca 4 -5 persunas chi güdan a preparar ed a vender.
14 marz (sonda)	<u>Di da skis</u> I s'inscuntra sülla Motta Naluns e's va insembel culs skis, plü tard as vaja a baiver alch insembel o magari eir a mangiar alch.
mai / october (sonda)	<u>Lavurs da cumün</u> Sco l'on passà laina eir quist on far lavurs pel cumün. Per quists lavurs voula almain 4 - 5 persunas chi vegnan a güdar.
14-17 mai (Ascensiun)	<u>Viadi plü pitschen -Prag</u> L'idea es da far ün viadi plü pitschen a Prag d'urant Ascensiun. Infuormaziuns plü concretas seguan aint la gruppa da Whatsapp.
gün	<u>Visita in scoula</u> Sco tschels ons van var 3 commembers in scoula a preschantar la giuv.
9-11 lügl	<u>ELF – Electic Love Festival a Salzburg</u> Differents commembers han fingià tickets pel ELF. Quels chi han gust da tour part organischan svesa tickets. Sco gruppa as guarda lura pel viadi, tendas, material etc.
18 o 25 lügl (sonda)	<u>Grillada per nouvs commembers</u> Sco tschels ons laina eir quist on organisar üna grillada per nouvs commembers chi finischan quist on la 9. classa e per persunas chi voutan as far üna idea sco chi'd es pro nossa giuventüna.
1 avuost (sonda)	<u>Fö dals prüms avuost - Flöna</u> Sco l'on passà laina ir sü Flöna a far ün fö cun grillada. L'idea es ch'üna gruppa va sü cul auto a preparar il fö e tschella chamina sü.
avuost	<u>Pfundskerle</u> Ir insembel cun otras giuventünas in cas chi vain organisà il viadi. Inschna organisaina svesa ün taxi.
6 december (dumengia)	<u>Niculaus</u> Ils 6 december pon commembers chi han temp ir a far da Niculaus.

d'urant l'on	<u>Actività da cumpagnia cun tschaina</u> Che e cura vain amo decis insembel. Quai po esser bowling, paintball, kino o alch simil.
---------------------	---



11. Varia

- Anina ha pront la glista dad inventar. Ella legia avant la glista d'inventar chi cumpiglia: magöls da plastic ca. 300, 200 mezdans ed 80 magöls da shots. Roba cumanzada sco Gin, Gamsjäger, üna butiglia vin, duos e mez butiglias rum, üna butiglia punsch d'orandscha, magöls da chartun ca. 150, 4 bidons per s-chodar bavrondas, trais costüms da schmutzli, duos costüms da Niculaus, duos s-chellinas per Niculaus, manetschas, barba, bastuns e sachs.
- Idea per l'inventar: dumandar pro'l cumün schi nu vessan ün lö per far ün deposit suot tet uschea cha Anina nu sto magazinari pro sai a chasa.
- Rino s'ingrazcha pro Mevina per sia lavur sco presidenta e disch ch'ella fetscha bain sia lavur. I dà grond applaus.
- La giuventüna dad Ardez planisescha amo adüna da far üna festa plü gronda ed ha dumandà per collavurar culla giuventüna da Scuol. I vain discus chi voul infuormaziuns plü concretas per decider.

La presidenta glivra la radunanza generala a las 21:09.

La presidenta:
Mevina Conrad

L'actuar:
Mic Armon Conrad